

ایدیور ایدم، بو آدم، بو دینج اختیار عمرنده قورقوش ایتمه مش اولدیغی کبی شوخیع اولوم قارشوسنده دخی هیج تیره میور، قورقور، هیجان کوستر میور، بو درجه متانت وجسارته تصادف ایتدیگی اعتراف ایدرم .. محکوملر اعدامنامه دن هیج بر شی اکلایه مدیلر، اولر متصل اطرافه باقوب خلقك هیجانی، تلاشی سیر ایدرك موتی استحقار ایتدکاری آچیقدن آچیغه کوسترمك ایستدیورلر ایدی . نهایت اعدامنامه نك قرائتی ختام بولدی . او ائنده احمد دیوان حرب اعضاسنه خطاباً متین بر صدا ایله « ولزدن اول هیج اولمزه صوك نماز می قیلغه مساعده ایتمه کزی استرحام ایدرم » دیدی .

قومیسر جواباً « نه ایستورسه کز سوبله یکز، مع المنونیه قبول ایده جکم » دیرك لارینی چوزمه که امر ویردی . او ائنده غایت مؤثر بر منظره قارشوسنده بولندم . عمرمه بویه بر منظره تصادف ایتدم والی نهایت بونك تأثیری باقی قاله جقد . اسماعیل بر آزار اوتوده اندیشناك بر حالده طورمش ایکن اختیار احمد دار آغاجنه یاقلاشهرق یری ایجه تدقیق ایدوب آغاج بارچه لری، طوزلری یر طرفه آتدی ، اوتلری یردن قوباردی ، بو حرکتی فوق العاده غریب اولوب یانمه بولنان بر اوروبالی بکا خطاباً : « عمرمه بویه منظره تصادف ایتمه مش ایدم ، بو اختیار نی بهت وحیرته بر اقدی » دیدی . اختیار محکومك شو حرکتی کورنلر عادی بر شیشه مشغول اولدیغه ذاهب اوله جقلردی ، کویا باغچه ده چالشوب شمیدی اوکله نمازنی قیلغه حاشرلق کوریوردی . بو حاضر لقلری کوردکن صکره اختیار ، ژاندارمه لره خطاباً :

— آبدست آلق ایچون بکا براز صو ویر میسکزه؟ دیدی .

ژاندارمه لردن بری صو کتیرمه که کیتدیکی زمان احمد تکرار نماز کاهنی تدقیق ایدرك یکیدن آغاج دالیرینی طویلامغه ، اوتلری قوبارمغه باشلادی . بش دقیقه صکره ژاندارمه بر قوغه صو کتیردی . احمد هیج بر اثر تلاش کوسترمکسزین یوزینی، آیقلری ، اللرینی دقتله بیقادی ، آغزینی چالقالادی وکندی الی ایله قوغه نی ژاندارمه یه اعاده ایتدکن صکره نماز کاهنه عودت ایتدی ، بودقیقه پک علوی ، پک مؤثر بودقیقه ایدی . اختیارك بو حرکتی ، متین وضعیتی کوره رك هیجان و تعجبی ستر ایده میوردم . نه مقدس ، نه علوی بر منظره .. ایشته اختیار تکرار یری تمیزلوردی ، بتون نظارلر اوکا معطوفدی ، باغچه ده عمیق بر سکونت حکمفرما اولوب تماشا کران نفس بیله آلق ایسته میوردی . احمد دیز چو کر ، یری اوپر ، بعده اللرینی یایه رق آیاغه قالقار ، تکرار زمین نیازه زانوزده اولور ، ینه آیاغه قالقار . دوداقلری آره سنده صوك دعای ایدیوردی . برقچ مترو اوزاقده عینی منظره حکمفرما در ، اسماعیل ده خلقك حیرت و تعجبی قارشوسنده صوك نمازنی قیایوردی . بو منظره بکرمی دقیقه قدر دوام ایتدی . اوزاقده ، ادرنه اطرافنده وقت وقت آتیلان طوپلرک کورولتیمی هوانك الك یوکسك طبقه لری ایکه تیور . احمد نماز قیلدقن صکره ژاندارمه لره خطاباً :

— شمیدی حاضر م ، دیدی .

بعده قوشاغنك ایچنده برکوش ساعت ، بر قورشون قلم ، بر توتون طبقه سی ودها سائر شیلر چیقارهرق ژاندارمه یه تسلیم ایتدکن صکره ،

— هایدی آرتق وقت قالمادی ، بن حاضر م ، دیدی .

فقط اسماعیل هنوز نمازنی بیتیرمه مش اولدیغی ایچون بر آزار بکله مکه مجبور اولدیلر . برقچ دقیقه صکره احمدده حاضر ایدی . ژاندارمه لر در حال محکوملری بیاض بزلره صاردیلر ، یوزباشی خلقاً خطاباً :

— هایدی کیده لم ، شمیدی حکم اعدام اجرا ایدیه جك دیدی . خلق در حال بر طرفه هجوم ایتدیلر . ژاندارمه آغاجدن آسیلان ایی اختیار احمدك بویته کچیردی . دیگر بر نفرده اسماعیلک بویته باغلادی ، بر دقیقه صوکره محکوملرک آیقلری آلتنده بولنان فوجیلری بر تکه ایله اوتیه یووارلاریلر .

هیات ! شمیدی ایکی وجود بوشاقده صاللا نیوردی !

سبیل الرشاد

بتون بلغارستانی خاک ایله یکسان ایتک صورتیه بو وحشتلرک انتقامنی آلامدجه قینه صوقولان اسلام قیلجینه یازقلر اولسون ! دونکی غایدا جیلره قارشو مغلوب اولدقن صوکره بردها اونی بلده طاشیمقدن اوتانمالی ، اونکله برابر یرلره کومولمی در .

هنرمستانه مخبر مختصر صمزدنه :

هندیولنده

عراقك احیا و اصلاحی حقنده

— ۳ —

۴ — مرکزده تشکیل اولنه حق نمونه چفتلکی دیگر مراکزده کی نمونه چفتلکلرندن دها واسع وهیج اولمازسه ۱۰-۱۵ بیک دونم وسعتنده اولمی و طرز جدید اوزره بخارلی متحرک فاوولر، حراثت ماکنه لریله سائر ماکنه والات مهمه زراعیه نك جاب و تطبیق .

۵ — خطه عراقیده صور مختلفه ده ایفا ایدیه کلکده اولان اصول جبات اوقدر عظیم و مشکل ، اوقدر آغردر که بوسبیله زراعت کوندن کونه تدنی و انحطاط ، بلکه انقراضه طوغری کتیکده وامور و معاملات حکومتی تزید و اشکال ایتیکده اولدیفندن همه حال بو محاذیرک دفعی ایچون بتون بو معاملاتنی توجید ایله بر قاعده منتظمه تحت آلق عراقك المؤثر مواد حیاتیه سندن بریدر . بونك ایچون بر صورت سریعه ده « قاداسترو » یعنی اراضینك مساحه سی اوزرینه مقطوع بر رسم وضع ایتک ایجاب ایدر . بو کونکی اصول ایله یاپیلان جبات ظاهراً عشر و خمس وثلاث ایسه ده حقیقت حالده زراعت حاصلات صافیه نك همان یوزده یتش راده سنده اولدیغی ادنی بر تدقیق نتیجه سنده اکلاشیلور . حالبوکه اراضینك قریبت و بعدیت وقوه انباتیه سی و سائر خواص حکمیه و کمیویه و فسیولوجیه سی نظر اعتباره آلهرق مقطوع بر رسمه تابع طوتیلورسه هر نه قدر معین

یقین بر زمانه قدر بمحصول خطه عراقیه نك كه مهم ومبذول حاصلاتندن ایدی. بوكون ايسه انارينه تصادف اوانه مامقدمه در. بناء عليه بومهم صنعت زراعيه نك احياسی ایچون یا مرکز ولایتده ویا خراسان قضاسنده بر حریر دارالتحصیلی تأسیس ایلک يك مهم ودرجه الزمیتده در.

شیرین

بالقائل جهادی

۱. شیرین نالی، بخشیه :

برتبلیغ رسمیه بیغادوس شمالنده کائن دراغون کوبی جواریلده دکرمن تیه وجراح چفتلک تیه لرینه تحشد ایدن و بفرقه تخمین ایدیلن دشمن عسکری اوزرینه بدی بیک بشیوز متروندن طغوز بیک مترویه قدر غایت موفقیتلی غروب آتشی اجرا ایدیلرک کلیتلی تلفات ویردیرلک صورتیه صرتلرک آرقه سنه دفع وتنکیل ایدیلرک حیدیه سوارسی نك ۳۱ تشرین اول تاریخی راپورلری اوزرینه اعلان اولونیور. بوکون قرقي ضابط اولق اوزره ۱۴۰۰ ضغنای عسکریه شهر مره کتیریلیور.

۲. شیرین نالی، جمعه :

بوکونکی غزته لرله باب عالینک طوغریدن طوغریه دول متفقه ایلده صلح مذاکره سنه کیریشدیکنک محقق اولدینی اخبار اولنیور. سلائیک سقوی ده انجق بوکون غزته لره کچور. طورغود رئیس سوارسندن بحریه نظارتیه کلن ۱ تشرین ثانی تاریخی تلغرافنامه وجهله دون بعدالزوال ساعت اوچده جلب کوینده بولنان دشمن قطعاتنه بومباردمان ایدیلرک دشمنک انهزای رسماً بیلدیریلیور. بوکون صباح صدر اعظم حضرتلری روسیه سفارتخانه سنه کیده رک سفیر حضرتلریله یارم ساعت قدر ملاقات بیوریورلر. اسپانیا سفینه حریه سی (ره نارخنا) قرووازوری دخی بوکون لیمانزه داخل اولیور.

۳. شیرین نالی، جمعه ایرنسی :

رسمی اوله رق اشقودره والیسندن آلمان آتیده کی تلغراف نشر اولنیور : (۲۲ تشرین اول تاریخده ، قارقیق تیه لرینه طوغری ایلرین یدی طابور دن مرکب بردشمن قوتنه قطعاتر طرفندن هجوم ایدلشدر . دشمن بویانه نه ری قارشی ساحلنه فرار ایدوب میدان حریده یوز قدر مقتول براقش ، بتون طویلرینی وبرجوق پیاده مهماتی ترک ایشدر . دشمن دن اغتنام ایدیلن اشیا آره سنده جنرال چورووچیک بتون اوراق ، چادیری ، قلنجی واونیفورمه سی بولنشدر .) بوکون اتحاد وترقی فرقه سنه منسوب اولانلردن برچوغنی حکومت توقیف ایدیور .

۴. شیرین نالی، بازار :

اشقودره نك قهرمانانه مدافعه سنه عائد امیدبخش خبرلر کلیور . اوکله دن سوکره وکیجه لین آلمان کرک رسمی، کرک غیر رسمی خبر عساکر عثمانیه نك نقاط مختلفه ده موفقیات ومظفریاتی تبشیر ایدیور . چتالجه خطوط استحکامیه سنک ایلریننده تجاوزده تصدی ایدن بلغار عساکرینک منی وبرجوق طویلرینک تخریب ایدیلدی کی غرب اردوسنک ده یونانلیلری منزم ایتدیکی، ناسلیچی، قیالری استرداد ایدیلدی، سرفیجه یه طوغری ایلر ایدیلدی؛ اشقودره ده کی قوای عثمانیه نك ده قهرمانانه مدافعه دن کری طورمدینی، قره طاغلیلری کلیاتلی تلفات اوغراندینی، صوک مصادمه لردن برنده برجوق اسلحه، لوازم واشیای سائر اغتنام ایدیلدی؛ ادرنه نك ده قهرمانانه مقاومتده بردوام اولدینی و اخیراً اجرا اولنان شدتلی برجوم حرکتیه دشمن قوای عسکریه سنک بیوک ضایعات اوغراندینی اشعار اولونیور. یأسه مغلوب اولان اهلیمزک سیمالرنده برپارچه لمعه امید پارلاپور.

برسطح ایچون دون بر رسم ویرر ايسه ده بواصول سایه سنده زراعت عموم اراضیسنی زراعت ایتک مجبوریتده بولنه جغندن ویره جکی عموم رسوم حال حاضره کوره ای بریکون تشکیل ایتش اولور . قاداتسترونک تطبیقه بر مقدمه اولق اوزره هر سنه صرف ایدیلان یوز بیکلرجه غروشله مهندس وزراعت مأموریه ارباب خبردن بر هیئتک تعینی ایله قضانک مکمل بر قاداتسترو خریطه سی آلیر واصولی دائره سنده اراضی قاداتسترویه ربط ومقطوع بر رسمه تابع قیلنورسه هر سنه کرک اهالی یه وکرک حکومتیه برجوق مشکلاتک ظهورینه سببیت ویرن بوزرعه ومصارفات واختلاسات دائمیه نهایت ویریلور وعینی زمانده بو قاداتسترو حقتده هم بر فکر ایدنش وهمده دیگر محللرده تطبیق ایچون بردستور العمل اولمش اولور .

۶ - خطه عراقیه ده متفنن چفتچی یتشدیرمک واصحاب اراضی اولادلرینی اصولی دائره سنده زراعتک اجراسنه آلدیرمق ایچون موصل، بغداد وبصره ولایتلرندن طلبه قبول ایتک اوزره بغداد منطقه سنده تشکل ایده جک نمونه چفتلکنه مربوط ویوز الی طلبه یی استیعابه کافی اوچ صنف اولق اوزره اعدادی درجه سنده برزراعت عملیات مکتبک کشادیر .

۷ - بو خطه ده تعقیب اوانه جق ترقیات ومؤسسات زراعیه نك اکتشافات واختراعات اخیره اوزره اولسنی تأمین ایچون تحصیل و تجربه کورمش ارباب فندن برقاج ذاتی احوال اقلیمیه وجغرافیسی بو خطه یه یک یقین وصوک زمانده خصوصات زراعیه ده دنیانک اک مترقی وایلری کتمش مملکتی اولان امریقای وسطی یه اعزام واوراده اک الزم شعباتده پراتیک ومؤسسات مختلفه زراعیه یی کوردکن صوکره ینه بوراده اک اشاغی اوچ سنه خدمت ایتک شرط اتخاذا ارنسیدر .

۸ - منافع اقتصادی وسیاسیه عثمانیه یه خال کلامک شرطیه مملکته منافع عظیمه تأمینده بادی خالی اراضینک مختلف شرکتلره لاجل الاعمال توزیعیدر .

۹ - زراعت سرکینک تأسیسی . - مترقی مملکتلرک اسباب ترقیسی اولان توزیع اعمالدن صکره دکل، بلکه ایدم ایکی مهم نقطه وارد که بوده تشهیر امته ومکافاتدر . مملکتهمزده حاصلات نفیسه ومقبوله نك وجوده کلامسی، برجوق صنایع زراعیه مزک رواج بولماسی هب بوندن منبعدر . معرفت التفاته تابعدر . مشتریمنز متاع ضایعدر . بناء عليه زراعتمزک وصنایع زراعیه مزک ترقیسی ایچون هر حالده بونک انظار عمومیه یه تشهیری ایله اک کوزل ومقبول، نفیس ومبذول حاصلات یتشدیرنلرک مساعی ممدوحه ومؤسسات مفیده وجدیده تأسیس ایدنلره مکافات اعطاسی ایچون مرکز ولایتده برقاج موسمه کشاد ایدلک اوزره عموم شعبات زراعیه ایچون برزراعت سرکینک تأسیسی در .

۱۰ - بر دارالتحصیل تأسیسی . - موقع اجتماعی اقتصادیده بیوک بر موقع احراز ایدن اییک بو جکنک مهد ظهوری خطه عراقیه در .